

SCRIPT OF EVENING GOJRI NEWS BULLETIN 21APRIL 2025

1700HRS

اونینگ گو جری نیوز بلیٹن مورخہ 21 اپریل 2025

یوہ آکا شوانی جموں ہے ظفر کوہلی تے نصرت تیں خبر سَنو۔

HEADLINES

۱۔ وزیر اعظم نریندر مودی نے آج کہیو کہ بھارت نے گزشتہ ۰۱ براں مانہ معمولی تبدیلی تیں آگے بدھ غے ایک موثر تے نمایاں تبدیلی غومشابدو کیو ہے کیونجے حکومت ملک مانہ ہمہ گیر ترقی نانہ یقینی بنارہی ہے۔

۲۔ وزیر اعلیٰ عمر عبداللہ نے آج کہیو ہے جے جموں صوبہ غا رام بن ضلع مانہ بادل پھٹن توں بڑا پیمانہ ور پسی تے سیلاب غی وجہ توں صورتحال خاص طور ور قومی شاہراہ غا آس پاس مچ خراب ہوگئی ہے۔

۳۔ ضلع ترقیاتی کمشنر رام بن نے کہیو ہے جے کل شام یا آگلا سویر توڑی یک طرفہ ٹریفک غی اجازت دین غی کوشش کی جارہی ہے۔

۴۔ محکمہ موسمیات نے جانکاری دتی ہے جے وادی کشمیر غا کُج ایک مقامات ور ہلکی بارش تے گرج چمک غے سنگ تیز چھکڈ غے نال موسم آبر آلود رہ گو۔

PM CSD

وزیر اعظم نریندر مودی نے آج کہیو کہ بھارت نے گزشتہ ۰۱ براں مانہ معمولی تبدیلی تیں آگے بدھ غے ایک موثر تے نمایاں تبدیلی غومشابدو کیو ہے کیونجے حکومت ملک مانہ ہمہ گیر ترقی نانہ یقینی بنارہی ہے وزیر اعظم نے آج سول سروسز تہارا گا موقع ور تمام سرکاری افسران نانہ نیک خواہشات پیش کیں نوی دہلی غا وگیان بھون مانہ منعقدہ ۷۱ ویں سول سروسز تہارا غی تقریب تیں خطاب کرتا واں وزیر اعظم مودی نے کہیو کہ ۱۲ اپریل ۷۴۹۱ نانہ سردار ولب بھانی پٹیل نے سول سروینٹ یعنی سرکاری افسران نانہ سٹیل فریم آف انڈیا قرار دتو انہاں نے مزید اس طرح کہیو وزیر اعظم نے اس ور زور دتو کہ ملک غانوجوان کسان تے خواتین غی بے مثال اُمنگاں نانہ پورو کرن واسطے غیر معمولی رفتار غی ضرورت ہے۔

CM RAMBAN SITUATION

وزیر اعلیٰ عمر عبداللہ نے آج کہیو ہے جے جموں صوبہ غا رام بن ضلع مانہ بادل پھٹن توں بڑا پیمانہ ور پسی تے سیلاب غی وجہ توں صورتحال خاص طور ور قومی شاہراہ غا آس پاس مچ خراب ہوگئی ہے۔ قابل ذکر ہے جے اس مانہ کم از کم ۳ افراد ہلاک ہوگیا ہیں تے جموں سرینگر قومی شاہراہ ور متعدد مکانات گڈی تے کُج حصو اچانک سیلاب غی وجہ توں ملبہ گا تیر مانہ تبدیل ہو گئو جناب عمر عبداللہ نے یقین دوايو جے قومی شاہراہ نانہ جلد از جلد بھال کرن واسطے جنگی بنیاداں ور کوشش جاری ہے اس سلسلہ مانہ گل بات کرتا واں وزیر اعلیٰ عمر عبداللہ نے کُج اس طرح کہیو۔

NHW RESTORATION

جموں کشمیر قومی شاہراہ ۴۴ جہیڑی رام بن ضلع گا متعدد مقامات ور شدید بارشان تے پشی پین غی وجہ توں بند بے نانہ مکمل طور ور صاف کرن مانہ آجاں دو دن لگ سکیں آکاشوانی جموں غ انامہ نگار نے خبر ثوری بے جے ضلع ترقیاتی کمشنر رام بن بسیر الحق چودھری نے کہیو بے جے کل شام یا اگلا سویر تک یک طرفہ ٹریفک غی اجازت دین غی کوشش کی جارہی بے جناب چودھری نے کہی وجے ہم سڑک نانہ بحال کرن بارے سخت محنت تے کوشش کر رہیا ہیں جناب بسیر الحق نے مزید کہیو جے اگر کم کاج قومیشاہراہ ور اسے طرح چلتو رہیو تاں پھر کل شام یا افلی سویر سنگ ایک طرفہ ٹریفک بھال کردتی جے گی۔ضلع ترقیاتی کمشنر نے مزید جانکاری دیتا واں دسیو جے اس وقت کائے وی گڈی قومی شاہراہ ور پھسی وی نی

بے۔ جدکہ اس تیں پہلاں ۰۴۱ گڈی پسی پین غی وجہ توں سڑک ور پھس گئی تھیں انہاں نے مزید جانکاری دتی جے ساری پھنسی وی گڈیاں نانہ حفاظت سنگ بنہال غی طرف موڑ دتو بے قابل ذکر بے جے قومی شاہراہ گزشتہ کل توں جلع رام بن غا قیام ور سلاب تے پسی پین غی وجہ توں بند ہوگئی تھی۔

RAMBAN RESCUE

بادل پھٹن تے پسی پین غی وجہ توں متاثر رام بن ضلع مانہ راحت تے بچاؤ آپریشن اج دوجے تہاڑے دوبارہ شروع ہوو شدید خراب موسمی حالات بشمول موسلا دھار بارش گرج چمک آناس تے توقاتی سلاب نے پورا خطہ مانہ برا پیمانہ ور نقصان پُجایو بے اس طرفوں غی رونما ہون سنگ دو بچاں سمیت کل ۳ افراد اپنی جان گوا گیا ہیں۔جدکہ سینکڑان نانہ بچا لیو گیو بے۔ ضلع ترقیاتی کمشنر رام بن بسیر الحق چودھری غی قیادت مانہ ضلع انتظامیہ نے صورت حال ور ڈنگی نظر رکھی وی بے اس سلسلہ مانہ پولیس ایس ڈی آر ایف این ڈی آر ایف آرمی تے غیر سرکاری تنظیم نچاؤ کاروانی غا کماں مانہ لگی ہیں۔اس سلسلہ مانہ گل بات کرتا واں ضلع ترقیاتی کمشنر رام بن بسیر الحق چودھری نے کُج اس طرح کہیو۔ دریں اثناء حکام نے خراب موسم گا دیکھتا واں ضلع رام بن تے ڈوڈہ غا تمام سکولان نانہ بند رکھن غو حکم دتو بے۔

CUJ WORKSHOP

مالیکیو لڑ بایو لاجی مرکزی یونیورسٹی جموں نے وائس چانسلر پروفیسر سنجیو جین غی سرپرستی مانہ طلباء تے کھوج کرن آلا سکالر غی عملی بنیاد تے لیباٹری غی مہارتاں نانہ تقویت دین واسطے مالیکیو لڑ بایو لاجی اوزار تے جینوم ایڈیٹنگ ور ۳ روزہ ورک شاپ گو کامیابی سنگ انعقاد کیو ورکشاپ غو آگاز افتتاحی شمارہ غے سنگ ہوا جس مانہ مہمان خصوصی پروفیسر یشونت ریجسٹرار مرکزی یونیورسٹی جموں تے پروفیسر اشونی نندہ ڈین ہیومنٹریز تے سماجی سائنس مرکزی یونیورسٹی جموں وی موجود تھا۔

SLOGAN WRITING

سڑک حفاظت نانہ فروغ دین تے شہریاں غی تخلیقی شرکت غی حوصلہ افزائی واسطے جموں کشمیر ٹرانسپورٹ محکمہ نے اج تیں سڑک حفاظتی نارہ لکھن غو مقابلو شروع کیو یوہ مقابلو ۱۳ مئی ۵۲۰۲ نانہ ختم وے گو۔ ٹرانسپورٹ کمشنر جموں کشمیر ویشیش پال مہاجن نے معاشرہ گا تمام طبقات گا لوکاں تیں بڑی تعداد مانہ اس مقابلہ مانہ حصول لین غی اپیل کی۔ ایک سماجی میڈیا ور ویڈیو پوسٹ مانہ ٹرونسپورٹ کمشنر نے اس طرح کہیو۔

BLACKTOPPING

جسروٹہ غا ایم ایل اے راجی وجسروٹہ نے بٹلی غے رستے کٹھوعہ نانہہ بلاور سنگ جوڑن آلا ڈھول کھڈ توں گئی براستہ بٹلی توڑی ۶۱ کلو میٹر طویل سڑک ور لوک پان غا کم نانہہ شروع کرایو بے مرکزی وزیر برائے پی ایم او ڈاکٹر جتندر سنگھ تے ایم ایل اے راجیو جسروٹہ غی کوششاں تیں اس سڑک ور لوک پان غو کم شروع ہووے۔ یوہ کم ۲۱ کروڑ روپیہ غی تکمینہ لاگت سنگ مکمل وے گو۔ ایم ایل اے راجیو نے دسیو جے سڑک ور لوک پان سنگ بٹلی علاقہ غی تقریباً ۲۱ پنچائیتاں نانہہ فاندو لیے گو۔ ایم ایل اے جسروٹہ نے کہی وے جے مرکزی سرکاری ہر گراں مانہہ سڑک سنگ جوڑن واسطے وعدہ بند ہے اس سلسلہ مانہہ ہایم ایل اے نے مرکزی سرکار غو شکریو وی ادا کیو اس موقعہ ور بولتا واں ایم ایل اے راجیو جسروٹہ نے کج اس طرح کہیو۔

POONCH MDP

سرحدی ضلع پونچھ مانہہ کاروباری ترقی نانہہ فروغ دین واسطے ایک اہم قدم غا طور ور جموں کشمیر ادارہ برائے کاروبار فروغ پونچھ نے نکہ چھوٹا تے درمیانہ درجہ گا کاروباریاں واسطے بھارتی حکومت غے تحت ایک ہفتہ ور مشتمل انتظامی تربیتی پروگرام غو انعقاد کیو۔ یوہ تربیتی پروگرام ایم ایس ایم ای غی اہم سکیم چھوٹا کاروباریاں غی ترقی تے رفتار مانہہ اضافہ غے تہت منعقد کیو جارہیو بے ضلع غا کل ۰۲ مقامی کاروباری افراد اس پروگرام مانہہ حسو لے رہیا ہیں جس مانہہ کاروباری انتظام غ اہم پہلوں ور توجہ دتی جے غی۔ جن مانہہ مالیاتی شعور مارکیٹنگ حکمت عملی تے قانونی ضوابط شامل ہیں۔ پونچھ غ ایڈیشنل ڈپٹی کمشنر تابہر مصطفیٰ ملک نے آکاشوانی غا خیراں آلہ شعوبہ سنگ گل کرتا واں اس پروگرام غی مزید تفصیلات دسیں۔ انہاں نے اس طرح کہیو۔

WEATHER

محکمہ موسمیات نے جانکاری دتی ہے جے وادی کشمیر غا کج ایک مقامات ور ہلکی بارش تے گرج چمک غے سنگ تیز چھکڈ غے نال موسم آبر آلود رہ گو۔ محکمہ نے مزید جانکاری دیتا واں دسیو جے خاص طور ور دوپہر غاوقت توں بعد موسم غا خراب ہون غو ویلو بے محکمہ موسمیات نے مزید دسیو جے آتے کل توں ۳۲ اپریل توڑی موسم عام طور ور خشک رہ گو جدکہ ۴۲ اپریل غی دوپہر توں بعد کج ایک مقامات ور تیز چھکڈ آندی تے آناس ہون غا امکان ہیں محکمہ نے مزید جانکاری دیتا واں دسیو جے ۶۲ اپریل توں ۰۳ اپریل توڑی خطہ مانہہ موسم عام طور ور خشک رہ گو۔
